

ՆՅՈՒ ՅՈՐՔՈՒՄ ՀԱՆԴԻՊԵՑԻՆ ՀԱՅ ԵՎ ՂՊՏԻ ԵԿԵՂԵՑԻՆԵՐԻ ՀՈԳԵՎՈՐ ԱՌԱՋՆՈՐԴՆԵՐԸ



Իր հոտին հովվապետական հերթական այցելությունը տալու նպատակով Ամենիկյան եկեղեցու Ղաթի Եկեղեցու Պատրիարք Օննուդա Գ.-ն Նյու Յորքում հանդիպում ունեցավ այդտեղ իր ապաքինման ընթացքը շարունակող Ն.Ա.Օ.Տ.Տ. Գարեգին Ա Ամենայն Հայոց Կաթողիկոսի հետ:

Մեր Եկեղեցիները, որոնք միմյանց շատ մոտ են աստվածաբանական ըմբռումներով և պատմական համամեծությամբ, վերջին տարիներին միասնաբար քաջալերում են Արևելյան Ուղղափառ Եկեղեցիների հարակցությունը: Հայ Առաքելական Եկեղեցու ԱՄՆ-ի Արևելյան թեմի առաջնորդ գերաշնորհ Տ. Խաժակ արքեպս. Պարսամյանի մասնակցությամբ Նյու Յորքի Սուրբ Վարդան Մայր տաճարում տեղի ունեցած կարճ արարողությունից հետո, երկու Եկեղեցիների հոգևոր պետերը ներկաներին պատմեցին իրենց գործունեության, էկումենիկ շարժման քննազավառում իրենց նվաճումների, ինչպես նաև փոխադարձ համագործակցության մասին:

Ինչպես տեղեկանում ենք Առաջնորդարանի դիվանի հաղորդագրությունից, խոսակցության գլխավոր նյութը եղել է Եկեղեցիների Համաշխարհային Խորհրդի վերջերս ավարտված ընդհանուր համագումարը:

Ըստ Ուղղափառ Եկեղեցիների կողմից հարուցված հարցի, Եկեղեցիների Համաշխարհային Խորհուրդը շեղվել է քրիստոնեության ճիմնական ուսուցումներից ընդհանրապես և ուղղափառությունից՝ մասնավորապես:

Օննուդա Գ Պատրիարքը և Գարեգին Ա Վեհափառ Հայրապետը համաձայնել են, որ եղած առարկությունները բավականին լուրջ են, սակայն միաժամանակ երկու հովվապետները գտնում են, որ Հայ Առաքելական և Ղաթի Ուղղափառ Եկեղեցիների հրաժարումը այդ Խորհրդից չի ծառայի քրիստոնեական միասնությանը:

Հանդիպման վերջում երկու հոգևոր առաջնորդներն ուրախությամբ նշել են, որ մեր երկու Պատմական Եկեղեցիների եղբայրական փոխհարաբերություններն ունեն ոչ միայն դարավոր և ուսանելի ամցյալ, այլև շարունակվող ներկա և խոստումնալից ապագա:

**ԸՍՏ ՀՕՃ-Ի ԼՐԱՏՎԱԿԱՆ ԿԵՆՏՐՈՆԻ
ՀԱՂՈՐԴԱԳՐՈՒԹՅԱՆ**